

## COVID-19

### Ham ot sehét ar sólámoti: Ham goróiya ókkol ór maalumat

Ham ot Sehét ar Sólámotir kaanun ókkol hói modhél or tole, ham goróiya ókkol adde ham or zagat oinno manúic ókkol ór sehét ar sólámoti ré saásita gorár ekkán zimmadari tuñáre ham or girós óttu asé.

#### Ham goróiya ókkol óttu ki gorá foribó?

Tuñár nizor sehét ar sólámoti ré héfázot gorá ar oinno manúic ór sehét ar sólámoti ré nuksan nofoóñsár ekkán zimmadari tuñáttu asé.

Korunaváires or mukabelat tuñár ham or girós ór torfóttu raká giyyé dé polosi ókkol ar hédáyot ókkol óre tuñáttu mana foribó. Oinno zagat táki ham gorá, zeén neki gór ot táki ham gorá yó eçé cáamel asé.

#### Ham or girós ókkol óttu ki gorá foribó?

Ham ot sehét ar sólámotir uore Korunaváires ór sámna óibár hótóra ókkol óre tuñár ham or girós óttu foriso gorá foribó, zeçé mumken, munaséb kabu ráká foribó. Hítáráttú hókúmot or hédáyot ókkol mana foribó, zeçé [jisími duuri \(physical distancing\)](#) haz ot anóon ó cáamel asé - ham or zagat fotti zon oré homot 1.5 mithár gaa alog ráká.

Korunaváires or hótóra ókkol jisími yáto demagi-sómáji óitfare.

Korunaváires ór sámna óibar hóróta ré entezam goríbólla tuñár ham or girós é ki gorí faribó dé hían ór darmudar tuñár ham or zaga adde tuñúi goróode ham or uore. Tuñár ham or girós óttu tuñárloi hotá huá foribó hítára ki goríbólla plan goijjé dé hían ór babote.

Hítáráttú:

- manúic ókkol ór dormiyan ot dháké bazá noóibólla todbir ókkol goróonsá – ham or zagat fotti ek zon oré homot 1.5 mithár gaa alog rákoon
- ham goróiya ókkol é sábún ar faní loi homot 20 sekén hát dúibólla yáto elkohól-buniyadi hát sáf goróonir estemal goríbólla munaséb sófáyir sóhúlot gorí dioré ham or zagat sófáyir amól goríbólla fottizon oré bol doonas ([good hygiene](#))
- nizor zaati héfázoti sámán lootfafáan gorí doonsá
- ham or zaga sáf raká ré barái doonsá
- oinno manúic ham or zagat foóñsá ré mahádud goróonsá
- oinno zaga ttú táki ham goríbólla tuñáre hókúm goróonsá, zeén neki gór – demag ot rakóo yaán é ham or sehét ar sólámotir hótóra ré bodoli, barái yá foida gorítfare

#### Añáttu zodi korunaváires aséfáan lagilé ki gorá foribó?

Tuñáttu:

- [elaaji nosíyot soónsá\(seek medical advice\)](#)
- ham ot nozoonsá

- zeddúr joldi faro tuñár ham or girós óre hoónsá ar tuñár abostá bodolar babote hóbór di rakóonsá, mesál tuñáttu váires faiye dé hían ki fakka né

### **Zodi be-héfázot óile, añái ham gorá rukí fariyúm né?**

Zodi tuñár sólámotir babote tuñáttu sinta ókkol tákíle, tuñár ham or girós yáto Sehét ar Sólámotir Nomaenda (HSR) loi hotá hoó.

Baáz hálot ókkol ót mazé ham goróiya ókkol óttu hók asé be-héfázot ham gorá rukíbólla yáto fura nogoríbólla. Tuñáttu hók yaán asé zodi héçe ekkán maakul sinta asé dé ki ekkán dhairík yáto hañsór mosibot ottú tuñár sehét ar sólámoti ekkán hazebaze hótórar sámna óitfare – korunaváires ór sámna óon gán ó eçe cáamel asé.

Ham be-héfázot óon ór zoriya ham gorá rukíle, zeddúr holdi faro tuñár ham or girós óre batai diya foribó. Toíle munaséb bodoilla ham gorí zaibólla, zeén neki gór óttu táki ham goríbólla, tuñáttu háli táká foribó.

### **Beec maalumát**

Ham ot sehét ar sómámotir uore maalumát ollá gólísoó [Safe Work Australia website](#)

Tuñár cúkki ar tolob or uore maalumát ollá, gólísoó [Fair Work Ombudsman](#)

Sehét or maalumát ollá gólísoó [health.gov.au](#)

Meérbáni gorí nuth goró bisarharir nezám ókkol beggún ot WHS kaanun ókkol ór modhél motáfek amól goráza háli Victoria adde Western Australia noó. Tuñár ham ór zaga loi háas maalumát ollá, meérbáni gorí [tuñár raijjo yáto elakar mutallek WHS niyom goróiya](#) loi talluk goró. ([WHS regulator in your state or territory](#).)